



**PARTORDING NI PARMINGGUON  
MINGGU IV DUNG TRINITATIS**

📖 Ev: PSALMEN 65 : 1-9

📖 Ep: MATEUS 13 : 1-9

**TOPIK:  
“PANGARAMOTION NI DEBATA TU BANGSO NA  
PINILLITNA”**



**MINGGU, 16 Juli 2023**

## **1. Marende BE HKBP No. 569 : 1-2 "O DEBATA TUNG LONGANG DO ROHANGKU"**

*O Debata tung longang do rohangku,  
Molo hubereng na tinompaMi,  
Saluhut bintang, hilap dohot ronggur,  
Manghatindanghon hasangaponMi,  
Marende au Tuhan mamuji Ho,  
O, Debata, sangap do Ho.  
Marende au Tuhan mamuji Ho  
O, Debata, sangap do Ho.*

**---Jongjong---**

*Di ladang di adaran dohot tombak,  
Marende pidong tung mansai sonang  
Punsu ni dolok, sunge dohot rura,  
Mamaritahon sangapMi Tuhan.  
Marende au .....*

## **2. Votum: A. XV. B. 1 / D. XIII. 43**

- U : Marhitehite goar ni Debata Ama dohot goar ni AnakNa Tuhan Yesus Kristus dohot goar ni Tondi Parbadia, na tumompa langit dohot tano on. Amen. Ditimbang rohanami do, ale Debata, asi ni rohaM di parsitongaan ni JoroM i. Suman tu GoarMu do baritaM, ale Debata, ro di ujung ni tano on, gok hatigoran do siamunMi. Timbul do Jahowa jala pujion situtu do di bagasan huta ni Debatanta, di atas dolok habadiaonNa i. Haleluya!**
- H : (Mangendehon: Haleluya, Haleluya, Haleluya!).**
- U : Martangiang ma hita: Ale Tuhan Debata jala Amanami! Sai togutogu jala rajai ma rohanami marhitehite TondiM i, asa olo hami manangihon dohot manjalo HataM. Sai pahot ma HataM di bagasan rohanami, asa lam imbaru**

jala lam badia rohanami. Sai urupi ma, asa lam marhaposan hami tu AnakMu, Tuhan Yesus Kristus, asa jumpang hami hangoluan saleleng ni lelengna. Amen. (Hundul)

**3. Marende BE HKBP No. 184 : 5-6 “NUNGA TUNG JUMPANG AU OJAHAN”**

*Dibahen i sai bonomonku, do au tu paridian i  
Hupasesahon do dosangku, tu Jesus, Sipangolu i  
Di na tarsolsol bagi au, tu Jesuski tongtong au lao.*

*Ojahan on do ingananku, saleleng au di tano on  
Sai i ma hangoluhononku, saleleng so tos hosangkon  
Tongtong do sipujionki, Tuhanku Sipangolu i.*

**4. Patik :**

**U** : Tangihon hamu ma Patik ni Debata di Minggu on, ima sian Parjamita 12 : 13 “Pangarimpunan ni sude poda naung itabege, on do: Habiari Debata, jala radoti angka tonana, ai i do inana siingoton ni ganup jolma.”

**I** do sahatna, antong rap mangido gogo ma hita sian Tuhan Debata!

**S** : Ale Tuhan Debata! Sai pargogoi ma hami mangualahon na hombar tu PatikMi. Amen.

**5. Marende BE HKBP No. 733 : 1-2 “DULO MA AU ON O TUHAN”**

*Dulo ma au on o Tuhan, bege anggukkon,  
Ro do Ho tu angka dongan, topot ma au on.  
Jesus Tuhan bege anggukkon,  
Ro do Ho tu angka dongan, topot nang au on.*

**---Jongjong---**

*Tu adoptanMi O Tuhan, marsomba au on,  
Sai asi rohaM O Tuhan, jangkon ma au on.*

**6. TANGIANG MANOPOTI DOSA: B.5-C.5**

**U :** Huria ni Tuhanta, tatopoti ma dosanta na godang i tu adopan ni Debata, Martangiang ma Hita : *Ale Tuhan Debata, Amanami na di banua ginjang! Ho do na patupahon hasesaan ni dosa di hami halak na dangol on marhitehite Anak haholongan ni rohaM. Sai asi ma rohaM di hami, angka na mangarsakhon dosanami. Sai sahapi ma tu bagasan rohanami hasesaan nidosanami i. Lehon ma tu hami TondiM na badia i, asa unang ganggu rohanami diasi ni rohaM, alai asa hot rohanami marhaporseaon laho manggotaphon nasa dosa dohot roha portibi on, asa hupasahat hami dirinami tu Ho, gabe pelean na mangolu jala na badia marhitehite Tuhan Jesus Kristus Tuhannami. Amen.*

**H :** *BE No. 162*

**U :** Bagabaga ni Debata Taringot tu hasesaan ni dosanta : *Songonon do Hata ni Tuhan Jesus: Ro ma hamu tu Ahu, hamu angka na loja jala na sorat, hupasonang pe hamu. Buat hamu ma augangKu tu hamu, guruhon hamu ma sian Ahu, ai na lambok do Ahu jala na serep marroha, asa dapotan hasonangan tondimuna. Ai na lambok do augangKu jala neang do dohot na hupaporsanhon. Hasangapon ma di Debata na di ginjang!*

**S :** *Amen.*

*(Hundul)*

**7. Marende BE HKBP No. 169 : 2-3 "HO SIPANGOLU AU"**

*Gogo ni mudarMi, papatar ma di au  
Tondi Parngolu i, tongtong manogu au  
Ro Sipangolu ro tibu, baen ma au anakMu tutu  
Dohot mudarMi buri au, ias songon hapas ma au  
Ias tutu, ias tutu, dohot mudarMi buri au, ias songon hapas ma au.*

*Togu ma rohangkon, sai taiti au tu Ho  
Ai langkaMi tongtong, naeng tiruonku do  
Ro Sipangolu ro tibu, baen ma au anakMu tutu  
Dohot mudarMi buri au, ias songon hapas ma au  
las tutu, ias tutu, dohot mudarMi buri au, ias songon hapas ma  
au*

## **8. Epistel:**

U : Hata ni Debata turpuk Epistel di Minggu on, tarsurat di **Mateus 13 : 1-9**, tajaha ma marsorinsorin: **"13:1 Di na sadari ruar ma Jesus sian bagas i, laho hundul tu pasir ni tao.**

H : 13:2 Jadi marpungu ma torop halak tu jolona, gabe dipanaek Ibana ma sada parau laho hundul tusi, jala sude natorop i jongjong do di pasir i.

U : **13:3 Dung i godang ma dihatahon tu nasida, huhut pangke umpama, ninna ma: Na laho tu balian do sahalak panabur laho manabur.**

H : 13:4 Jadi di na manabur i ibana, adong ma boni i deba na mamiltik tu dalan, dung i ro ma angka pidong mamarguti.

U : **13:5 Alai anggo na deba, tu tano na batu on do madabu, di na so sadia hapal tano, jadi tibu ma tubu, dibahen na so bagas tano disi.**

H : 13:6 Alai di na lam timbo mata ni ari, rahar ma; gabe mate, ala so marurat.

U : **13:7 Anggo na deba, tu parsihupian do madabu, laos tubu do angka sihupi i, gabe dipisati ma eme i.**

H : 13:8 Alai na deba nari, tu tano na denggan i do madabu, gabe saut ma marparbue, saratus lompit do na deba, onompulu lompit do na deba, jala tolupulu lompit do na deba.

U : **13:9 Hamu angka na marpinggol, pinggol hamu ma i! I do sahatna. Martua do angka na tumangihon hata ni Debata jala na umpeopsa.**

H : **Amen.**

## 9. Koor

### 10. Marende BE HKBP No. 575 : 1 “PUJI MA DEBATA NA SONGKAL”

*Puji ma Debata na songkal, pasangap ma goarNa  
Puji ma angka rura dohot lung, angka dolok na timbo  
Dohot hasak ni galumbang sude mamuji Ho.  
Langit i na mansai hembang bintang i  
Na mansai torang ombun i na mansai saksak  
Pasangaphon Ho o Debata  
Tung so olo tading au, lao mamuji Ho Tuhan  
Nasa gogo bahenonku, lao pasangaphon Ho  
Ro di ujungni ngolungku, sai pujionku Ho(Jongjong)*

### 11. Manghatindanghon Haporseaon:

U : Tahatindanghon ma haporseaonta i, songon na  
hinatindanghon ni donganta sahaporseaon di sandok portibi  
on. Rap ma hita mandok!  
H : Ahu porsea di Debata Jahowa.....

*(Hundul)*

### 12. Tingting + Tangiang Pangondianon

### 13. Marende BE. HKBP No. 574: 1- “PUJI MA DEBATA” (P.Pelea Ia,Ib)

*Puji ma, puji ma Debata  
Na niainNa do umpuji Debata  
Nunga sesa dosami, malum dohot rohami.  
Puji ma, puji ma Debata  
Na niainNa do umpuji Debata*

*Olophon, olophon Tuhan i  
Hatindangkon denggan ni basaNa i,*

*Sai arahon donganmi, ro tu sipalua i,  
Olophon, olophon Tuhan i,  
Hatindangkon ma denggan basaNa i,  
---Musik---*

*Tagam ma, tagam ma Tuhan i,  
Sai pagalak ma tongtong palitomi,  
Lam jonok ari na i, salpu parungkilon i,  
Tagam ma, tagam ma Tuhan i,  
Sai pagalak ma tongtong palitomi.*

**14. JAMITA: Psalmen 65 : 1-9**

**15. Marende BE HKBP No. 585 : 1-- "SOMBA MA JAHOWA"  
(P.Pelean II)**

*Somba ma Jahowa Debatanta, Amen Haleluya  
Sigomgom langit tano on ro di isina, Amen Haleluya  
Beta hita lao marsinggang tu joloNa, Amen Haleluya  
Na songkal jala na badia do Jahowa, Amen Haleluya  
:,:Endehon Amen Haleluya, endehon Amen Haleluya,  
endehon Amen Haleluya, endehon Amen Haleluya :,:*

*Puji ma Jahowa Debatanta, Amen Haleluya  
Parasi roha na sumurung do Ibana, Amen Haleluya  
Taendehon ma goar ni Debatanta, Amen Haleluya  
Alani denggan ni basaNa na tu hita, Amen Haleluya.  
:,:Endehon Amen Haleluya, endehon Amen Haleluya,  
endehon Amen Haleluya, endehon Amen Haleluya :,:*

**---Musik---**

*Sangap di Jahowa Debatanta, Amen Haleluya  
Na bonar jala marmulia do Jahowa, Amen Haleluya  
Tapatimbul ma goar ni Debatanta, Amen Haleluya*

*Na tigor jala na sun gogo salelengna, Amen Haleluya  
;:Endehon Amen Haleluya, endehon Amen Haleluya,  
endehon Amen Haleluya, endehon Amen Haleluya ;:*

## **16. PANGUJUNGI**



